

Տեղեկանք

Ի կատարումն ՀՀ վարչապետի 17.05.2011թ. N02/23.2/7858-11 հանձնարարականի՝ «Հարկային հաշիվների վերաբերյալ տեղեկանքը հարկային մարմիններին ներկայացնելու կարգը սահմանելու մասին» ՀՀ կառավարության որոշման նախագծում կատարված փոփոխությունների մասին

1. Հավելվածի 3-րդ կետում՝

1) «դիտվում» բառը փոխարինվել է «*համարվում*» բառով,

2) «*Էլեկտրոնային եղանակով դուրս գրված հարկային հաշիվը տեղեկանքի ներկայացման վերջնաժամկետից հետո ստացողի կողմից վավերացվելու կամ չվավերացվելու դեպքերում՝ ստացողի կողմից դրա վերաբերյալ տեղեկությունները ներկայացվում են և դրանում առանձնացված ԱԱՀ-ի գումարի հաշվանցումը կատարվում է սույն կարգին համապատասխան:*» նախադասությունը փոխարինվել է «*Տեղեկանքի ներկայացման վերջնաժամկետից հետո էլեկտրոնային եղանակով դուրս գրված հարկային հաշիվների վերաբերյալ տեղեկություններ ստացողի կողմից ներկայացվում են սույն կարգին համապատասխան: Տեղեկանքի ներկայացման վերջնաժամկետից հետո էլեկտրոնային եղանակով դուրս գրված հարկային հաշիվներում առանձնացված ԱԱՀ-ի գումարների հաշվանցումը կատարվում է սույն կարգով սահմանված հաշվետու ժամանակաշրջանում օրենքով սահմանված՝ դեպքերում, կարգով և չափերով:*» նախադասությամբ:

2. Հավելվածի 4-րդ կետում՝

1) «տեղեկությունները» բառը փոխարինվել է «*տեղեկություններ*» բառով,

2) «*Ժամանակաշրջանի*» բառից հետո ավելացվել է «*համար*» բառը:

3. Հավելվածի 5-րդ կետում «*Բացառությամբ սույն կարգի 2-րդ կետում նշված հարկային հաշիվների և սույն կարգով սահմանված այլ դեպքերի տվյալ հաշվետու ժամանակաշրջանի համար ներկայացվող տեղեկանքում ներառվում են տեղեկություններ.*» բառերը փոխարինվել են «*Տվյալ հաշվետու ժամանակաշրջանի համար ներկայացվող տեղեկանքում ներառվում են տեղեկություններ (բացառությամբ սույն կարգի 2-րդ կետում նշված հարկային հաշիվների և սույն կարգով սահմանված այլ դեպքերի)*» բառերով:

4. Հավելվածի 7-րդ կետը՝ «*7. ԱԱՀ վճարողները 2009 թվականի հունվարից սկսած, սխալների ինքնուրույն հայտնաբերման դեպքում, կարող են կատարել*

նախկինում (այդ թվում՝ մինչև 2009 թվականն ընկած ժամանակաշրջաններում) ներկայացված հարկային հաշիվների վերաբերյալ տեղեկությունների ճշգրտումներ (ներկայացնել ճշգրտված տեղեկություններ), բացառությամբ՝ Օրենքի 29-րդ հոդվածով և Օրենքի 43.1-րդ հոդվածի վերջին պարբերությամբ սահմանված դեպքերի, ինչպես նաև այն դեպքերի, երբ ճշգրտված տեղեկությունները վերաբերվում են հարկային մարմինների կողմից ստուգվող կամ արդեն իսկ ստուգված հաշվետու ժամանակաշրջաններին: Տեղեկությունների ճշգրտումներ չեն կարող կատարվել նաև այն դեպքերում, երբ ճշգրտումները վերաբերվում են «Հարկերի մասին» Հայաստանի Հանրապետության օրենքի 30.1-րդ հոդվածի երրորդ մասով սահմանված ժամկետից ավելի վաղ ժամանակաշրջանին և տեղեկությունների ներկայացումը կարող էր հարկային պարտավորությունների նվազեցման կամ հաշվանցվող գումարների ավելացման հարց առաջացնել, եթե օրենքով նման ճշգրտումը արգելված չլիներ:» վերաշարադրվել է հետևյալ խմբագրությամբ.

«7. Մխալների ինքնուրույն հայտնաբերման դեպքում, կարող են կատարել նախկինում ներկայացված հարկային հաշիվների վերաբերյալ տեղեկությունների ճշգրտումներ (ներկայացնել ճշգրտված տեղեկություններ), բացառությամբ՝ Օրենքի 29-րդ հոդվածով և Օրենքի 43.1-րդ հոդվածի վերջին պարբերությամբ սահմանված դեպքերի, ինչպես նաև այն դեպքերի, երբ ճշգրտված տեղեկությունները վերաբերվում են հարկային մարմինների կողմից ստուգվող կամ արդեն իսկ ստուգված հաշվետու ժամանակաշրջաններին: Տեղեկությունների ճշգրտումներ չեն կարող կատարվել նաև այն դեպքերում, երբ ճշգրտումները վերաբերվում են «Հարկերի մասին» Հայաստանի Հանրապետության օրենքի 30.1-րդ հոդվածի երրորդ մասով սահմանված ժամկետից ավելի վաղ ժամանակաշրջանին և առաջացնում են այդ ժամանակաշրջանի համար ներկայացված ԱԱՀ-ի հաշվարկի ճշգրտման անհրաժեշտություն:» խմբագրությամբ:

5. Հավելվածի 9-րդ կետում՝ «ճշտված» բառը փոխարինվել է «ճշգրտված» բառով:

6. Հավելվածի 13-րդ կետում՝ «հաշվի վերաբերյալ տեղեկությունները» բառերը փոխարինվել է «հաշվում» բառով:

7. Հավելվածի 15-րդ կետում՝ «Տեղեկանքում» դուրս գրված կամ ստացված առանձին հարկային հաշիվների վերաբերյալ տեղեկություններում սխալներ

ինքնուրույն հայտնաբերելու դեպքերում (բացառությամբ՝ սույն կարգով նախատեսված դեպքերի) ԱԱՀ վճարողը այդ հաշվետու ժամանակաշրջանի համար ներկայացնում է ճշտված տեղեկանք, ինչը համարվում է ճշգրտված տեղեկությունների ներկայացում: Ճշտված տեղեկանքում ներառվում են առաջին և երկրորդ մասերում նախկինում ճիշտ ներկայացված և ճշգրտված տեղեկությունները: Ճշտված տեղեկանք կարող է ներկայացվել նաև այն դեպքերում, երբ հարկային մարմնի կողմից անցկացված կամերալ ուսումնասիրությամբ արձանագրվել է, որ առանձին հարկային հաշիվների վերաբերյալ տեղեկությունները ներկայացվել են սխալներով և ԱԱՀ վճարողին գրավոր տեղեկացվել է դրա մասին:» նախադասությունը փոխարինվել է «Տեղեկանքում՝ դուրս գրված կամ ստացված առանձին հարկային հաշիվների վերաբերյալ տեղեկություններում սխալներ ինքնուրույն հայտնաբերելու դեպքերում (բացառությամբ՝ սույն կարգով նախատեսված դեպքերի) ԱԱՀ վճարողը այդ հաշվետու ժամանակաշրջանի համար ներկայացնում է ճշգրտված տեղեկանք: Ճշգրտված տեղեկանքում ներառվում են առաջին և երկրորդ մասերում նախկինում ճիշտ ներկայացված և ճշգրտված տեղեկությունները: Ճշգրտված տեղեկանք կարող է ներկայացվել նաև այն դեպքերում, երբ հարկային մարմնի կողմից անցկացված կամերալ ուսումնասիրությամբ արձանագրվել է, որ առանձին հարկային հաշիվների վերաբերյալ տեղեկությունները ներկայացվել են սխալներով և ԱԱՀ վճարողին գրավոր տեղեկացվել է դրա մասին:» նախադասություններով:

8. Հավելվածի 17-րդ կետում՝ «և օրենքի համաձայն հաշվանցման ենթակա» բառերը հանվել են:

9. Հավելվածի 18-րդ կետում՝ «Սույն կարգին համապատասխան չներկայացված համարվող» բառերը հանվել են:

10. Հավելվածի 20-րդ կետում «փաստացի մատակարարի անունից գնորդի կողմից դուրս է գրվել հարկային հաշիվը» բառերը փոխարինվել է «մատակարարի անունից փաստացի դուրս է գրվել հարկային հաշիվը» բառերով: